

# 溯源类

## 公荣公斟站记

吾家为宋桓公后食采于向遂以为氏世为宋卿自左师公戌遽传至常侍公秀族著河南散处开封河内朝歌武陟间其蔓延于天下者不可数纪顾自周汉以迄于今绵绵翼翼虽代有传人而其间变迁不一世系无传生其后者恒以不得溯厥源流为憾如荣今日者亦何忍溯哉荣先世居河南之开封自太慰文简公以进士出身崛起于淳化咸平间沉毅开济朝野倚重位晋台衡越二世象贤继武定国留后公续著忠勤连姻椒室世受国恩亦云盛矣至五世季曾祖忠毅公由过士第特恩改承仕郎授荆南节度使判官迁京东转运制置副使以父尤免起复知淮甯府事建及二年金人陷淮甯公以骂贼不屈阖门遇害是时救援不至遂使义士忠臣孤城待尽良足悲矣理宗景定二年荣宗伯安抚公兼和潭州事以军功见嫉安置漳州寻坐是死时先大父为洪州守闻之心慄哀

愤成疾卒于官宦橐肃然未获扶柩归里先父率家属五十余口留洪州之洗马市一时  
虜寇方炽蹂躪堪虞不数年复挈家就食于平江之梓江里载先大父柩葬于邑西下东  
山之系龙洞且便收宗伯安抚公柩葬于邑株山之滑石江其余先人邱墓已隔云山乃  
仍卜吉择地自远祖燕王文祥公以下如员外郎系鸾公系凤公系舟公暨云岩道人宗  
麒公宗善公宗明公子大公子敬公并诸祖妣夫人俱以木王分葬各处俾后嗣四时展  
祭如开封时用誌不忘先君子伯五郎衡昆仲四因卜吉兹邑时皆析居伯五郎分属长  
偕荣宅黄金坪诸父承仕郎龙宅本都之张古塘白云真人公雄宅湖源之西山例授文  
林郎渊则迁长属湘阴之南陂其他系以官者仍隸开封原籍嗟夫士君子当捬攘之秋  
固宜乃心干室戮力驱除委身报主乃至入朝见嫉徒死孤忠无补于国遂使流离播迁  
靡有宁宇于焉避乱图存披发入山各营邱首之地以苟延旦夕回首故园满目有河山  
之感时事至此尚忍言哉兹者偶籍田庐邱墓基站等项各编一籍因为叙先大夫之肇  
造于开封者其流泽孔长且以纪先君子之卜迁于兹邑者其来有自于以留示后人使

千载而下不知所自出是则荣所斤斤厚望者也后有知者尚其念诸宋咸淳二年岁次丙寅夏六月上浣之吉公荣谨撰

## 揭溪斯基站记跋

于幼即闻南朝安抚潭州向君玉先生名后南人为子言公庙食潭州今父老聚谈往往有因之流涕者何功德之感人有如是耶今年予以事来潭甫下车即拜安抚公庙因以公遗裔询之潭民左右莫以千盖亦未识予为何如人也寻次湘江抵古罗旅舍复问之居民云有向姓宦籍隸吾湘之南陂者已数十年或指江西或批河南又或云即近自平江来究莫定其何地人予乃以微服单骑径访湘阴之南陂造其庐叩吾之声达于户外登其堂即晤向君讳公胜者茶话竟日一见如旧相识道及前朝遗事辄泪潜潜下予因究所从来徐以乃兄公荣所作基站记相示予乃释然曰今访安抚公遗裔不可得而乃得其宗人即如见安抚也嗟乎天苟祚宋使君家子韶子諲士璧彦猷诸君子得安其身于朝廷之上后先而调葺之将南渡以后可为中兴又何致沦替至此哉方今海宇混一

数十年来开科目设经筵求遗逸明诏数下君子澄几观变苟其一蹶复起乘时有为安在翊赞之功出文简公下哉予因徵示其意以语公胜而公胜默然乃知士各有志毋庸相强即予亦自悔其多言矣相与盘桓达旦复单骑就道徘徊而不忍云云

元至大二年某月日后学揭溪斯曼硕书

## 刘邑侯向氏族谱序

洪武四年春余蒞平有明经向君祥仲者求谒余观其语默进止居然诚笃君子也因以国士待之与订交焉方是时君辑家乘丐给执照且属余序曰吾自先人来此士垂百年率不显余恐先绪之日就芜没也言之貌若甚戚者迺谨询其世系暨所以来居是邦乃知自南宋间始矣向氏本殷后为宋公族世居河南其在晋则有若子期之清司与稽阮齐名其至南北时则有若元季之志行芳洁不趋势利是皆清风绝俗克成其浩然不可一世之志不拘拘以仕进荣迨至炎宋真宗时敏中公始以进士擢左僕射谥文简上常器其深闲沉毅以飞白书其名嘉之神宗时立其嫡孙经之女为后哲宗立又尊为钦圣

宪肃皇太后是时向氏族最贵显朱紫满门而椒衍瓜绵别为世系有曰传系宗子许士公之大元有能成此道可以为世本云云今祥仲振仲乃敏中公下派别十代孙也先是由传远而生系鸾系凤由系鸾而生宗麒宗麟由宗麒而生子太子敬由子太子敬生许昌许虔昌生士璧虔生衡龙雄渊方南北争攘戈兵未靖荡析离逃者半天下而许昌之子士璧适以钦命为潭州节度使虔子衡龙雄渊由洪州官署亦随居幕府焉至璧被谗罢职其弟昆思伏隐山林择平邑之西乡而迁之后衡又迁石轧头龙迁湖源山麓之张古塘雄迁湖源之岐山渊迁湘阴南陂爰是韬光欽迹永刖故居抱鎖尾之伤兼憶曩昔之盛比向君之所为尽然也抑吾有为向氏慰者其在易曰无平不陂无往不复此其固然今虽不幸鬱鬱于兹吾乌知前此之显荣赫奕者不自敛晦中来乎况其清风绝俗固猶大有人在也向君勉为基仁蕙义以俟夫将来而可是为序明洪武四年某月日知平

江县事交河刘顺撰

## 刘邑侯向氏族谱执照

从来明德之后必有达人忠臣之门类多孝子照得平江县十九都廩贡生向元福望隆  
国士身老明经为太尉之灵孙系左师之华胄校书草阁静续玄见读易蓬庐閒偷白日  
非公不对缅芳躅以徬徨有故而来挹德容而欣幸方袍竹杖仙骨珊珊羽扇纶巾清言  
叠叠缮呈谱牒历述源流详发跡于开封溯分支于河内谱近而不谱远意本眉山纪事  
且复纪年法宗史记追盛名于宋代鹄起簪纓流遗泽于明时蝉联甲第文简公政参秘  
阁勳名居韩范之先定国公婚缔椒房徽音播高曹之上厚储国器世掌丝纶接武象贤  
续铭钟鼎和卿搞节旋遇害于淮宁士璧策勳复构雄于潭楚悲彦猷之保奏难全武穆  
之生嗟子諲之免官耻拜新朝之诏似此委身事主报国何惭纵复赐派封王酬庸奚补  
要之心悬日月莫回天步于艰难所赖身系安危已与国运相终始子孙相戒耻食粟于  
周人兄弟偕逃愿变名于吴市洪州守流寓南昌伯伍郎播迁罗国西山白果为全真抱  
璞之乡金坪古塘实养晦韬光之地如斯高轨曷胜遐思今逮兴朝用编家乘聿新景运  
佇集天庥须至执照者明洪武四年五月之吉知平江县事刘顺撰

## 元福公向氏族谱序

太凡谱作于增修之后易作于独创之时难作于聚族而处之地易作于播迁靡定之日难吾家肇造河南显名炎宋开国之初族法未立至眉山苏氏始著族谱作者宗之如吾族虽以元勳国戚赐谥加封当其时固犹未有谱也迨自行派演而后始列世系自文简公以下袭爵通侯几逾五代递传至福虽有旧谱经变革兵燹之后固有即于销亡者燕国公守洪州卒于官即流寓洪州之洗马市至高祖伯伍郎昆仲扶椽南来始迁平邑之梓江寻复析处金坪古塘西山南陂之间虽相距不过数十里许而于播迁初定之侯旧乘已无存矣虽曾祖松轩公撰有基站簿记止叙迁徙之由并田廬邱墓之所其于宗法固犹未详也予小子以抱残守缺之身兼慎避乱图存之后虽欲独出手笔撰成家谱不其难哉然面及此不谱乃欲以其难者诿诸后人吾知文献无徵世系莫考必更有其难焉者矣福用是不揣固陋自河内肇封以来迫叙源流穷其支派且即我先人之卜吉于平者详其始末缮成四帙颁给官印兼付执照以授后嗣俾生其后者有所据焉可也至

由是而叙彝伦联族姓笃恩义因之承绍先烈以用迪前人光则于今日之撰而序之者  
犹不无后望云明洪武四年某月日十世裔孙廩贡生元福祥仲氏撰

## 贵寿公向氏族谱说

宗谱之作由来旧矣自唐代重氏族而国史乃有氏族录故今之作谱者其先犹多自唐  
始也至宋兴百年族法未立自眉山苏氏始著族谱然第谱近而不谱远远则以为亲尽  
也夫人无二本由吾身以逆而上之推及于吾父由吾父以推及于吾祖由吾祖以推及  
高曾由高曾以推及于祖父之高曾且旁推乎族人之祖父与高曾其初皆一本分也皆  
亲也亲则曷为乎不谱也良以代远年湮世次莫考即凡世家大族有史不绝书者亦第  
即有名望者据摭焉以纪其实求其贵贱不遗源流不紊者往往难之故眉山当日虽有  
什伯乎人之才力聪明亦不得不从亲尽之例自撰家谱其势然也况前此世代相传未  
有派系至前明洪武间始诏诸王及王子以下有派行之式臣民倣之今据吾族元福元  
礼公谱内有御赐派行之事寿等谨按宋史所载如太尉公孙定国留后公讳经又有讳

综诿糾暨太尉公玄孙诿子韶子諲诸公皆系以派意吾宗以赵宋懿戚世笃忠贞爰锡派以荣及后嗣如太宗飞白书及赐大而官职之类为创举格理或然也嗟呼旧牒散佚罔所禀承为人子孙既不克聿脩厥德以光大前人乃复妄引前人之独显者为某某祖为某某宗支离附会勒成家乘则罪泪滋大今吾族有家谱之修惟纪近而不纪远于前代之失考者则姑从阙文于近代之可据者则纪其实录斯不独有合于亲尽之义而谱且以徵而可信将见淮之于史则为信史以之为谱则为信谱矣后有作者其勿以予言为荒陋而鄙之焉则斯谱传矣清乾隆五十四年岁次己酉仲春月既望裔孙同夺尔受氏

### 贤振公谱式畧述

老泉族谱后录约举苏氏七十有余世所得传者仅七人以为谱不立之过亮哉斯言至言其谱所由作则惟断自高祖论者往往隘之夫身之自出宜尊矣详矣而族所由来亦未可畧笃于近而遂忽乎远后之人虽欲谱始迁之祖其孰从而求之吾族自四祖公避

地以来谱缺有间历世十九而今纠合纂修则权兴可弗慎乎爰是谨遵欧阳公遗式从源及流但事在创始务相联属如祖行分自士字即将士字以下五代一联叙毕复从大房有字以下五代叙之回而各房递序仍以五代一联之式照上挨序罔敢或紊后有续者依一支清一支之式补序元元本本开帙瞭然斯亦不患其不可久矣又赠系之后无庸妄有纪载惟旧谱稿中万万不可磨灭者则双字无遗盖肯堂肯构前人实开其基弃焉弗顾岂得谓予有后哉各房子孙散处不一有与闻其事而莫相往来者如长房之在临湘有经首事知会数次而将前且邵者如我房之营田坪莲花壩等处是也有闻音踴躍稽查来厯确凿不易而终不赴厥事者有僻处西蜀虽闻音而不果来者又有只隔数百里而犹不得音者此皆未及登诸谱中然既出自我祖四公之后亦必详载某之子某迁某处非不惮烦也敦本明伦庶后来得有所据而重修且今萍水相逢者循流溯源犹不致塗人相视其老苏所谓孝弟之心可以油然而生矣乎渊公十九世孙吴昌杏村贤

振九均氏谨识

## 官贤 贤华 姓氏考

自古或以官为氏或以国为氏氏不同也及其赐姓受氏之时其姓又有同而异者谨按古志所载有齐申吕许纪州向姜姓出炎帝又华氏乐氏鱼氏向氏皆子是向自古已分二九矣今吾族发迹肇自河南之开封为河内郡则本属子姓开封为殷之旧都河南为周之故邑卫辉地属朝歌怀庆地通河雒迄今过淇泉沫土之间犹令人思先代遗风也裔孙芝苑官贤先拔文苑贤华英翰谨识

### 重权公迁徙誌

概自沧桑屡变迁徙无常自古阅名家求其歌斯哭斯聚国族而弗替者卒鲜至于富贵声华徒以门第相高者不转瞬已为陈迹此山阳旧时先人所为凭吊也吾族系出河南自宋太慰文简公五世孙许虔公元符间以洪州守卒于官即流寓洪州之洗马市项后嗣君伯伍郎士衡公复于淳熙间偕其弟士龙士雄士渊再迁岳属平江之梓江里寻复览仙女湖源岱华之胜并湘流之秀卜吉于邑西之富华乡或居黄金坪或居张古塘

或居西山或居长属湘阴之南陂当是时先后不过百余年由河南而江西而湖广其递迁者已非一地迄今由宋季迁平之始计之自元明以迄国朝相去五百余岁吾族之散居者近则数里或数十里远则百里或百余里较先人之播迁于千里之外者为犹幸第权等伏处菰芦未获大启字以光先绪为滋愧耳今逢圣天子中外一统海宇荡平权等于饮和食德之余爰集族人聿修家谱惟即衡龙雄渊四公苗裔近而足徵者详其生死始终婚嫁似续第宅邱墓不至久而忘焉且复誌其迁徙散纪于世系之中以昭示来许其他如巴陵之城陵矶临湘之原潭长沙之甯乡浏阳醴陵荆州之监利西蜀之 府等处虽不无待于采访之劳而于迁徙之源流亦必确有可据清乾隆己酉岁孟春某月日裔孙贡生竹溪重权秉钧氏敬撰